



Júlí 2017 - Almenn samantekt um VIRK Starfsendurhæfingarsjóð

Árangur og ávinningur VIRK

- Um 12.000 einstaklingar hafa leitað til VIRK Starfsendurhæfingarsjóðs frá upphafi og nú eru 2.200 einstaklingar í starfsendurhæfingarpjónustu á vegum VIRK um allt land.



- Yfir 70% þeirra sem leita til VIRK hafa ekki starfsgetu vegna andlegra sjúkdóma og/eða stoðkerfisvandamála.
- Meðaltími einstaklinga í þjónustu hjá VIRK er um 13 mánuðir. Almennt séð þá eru einstaklingar ekki á biðlista eftir þjónustu.



- Árangur og ávinningur af starfsemi VIRK er mjög mikill þar sem hún hefur á undanförunum árum skilað þúsundum einstaklinga í virka þátttöku á vinnumarkaði.
- Undanfarin fjögur ár hefur Talnakönnun HF metið ávinninginn af starfsemi VIRK eins og sjá má hér að ofan. 13,6 milljarða ávinningur var af starfseminni 2016 og reiknaður meðalsparnaður á hvern útskrifaðan einstakling eykst á milli ára, var 12,2 milljónir en 10 milljónir árin 2013-2015.
- Meira en 70% þeirra 6.800 einstaklinga sem útskrifast hafa frá VIRK eru virkir á vinnumarkaði við útskrift; þ.e. í vinnu, í atvinnuleit eða lánshæfu námi.
- Þjónustukannanir VIRK sýna að þátttakendur eru undantekningalítið mjög ánægðir með þjónustuna og telja hana auka verulega bæði lífsgæði sín og vinnugetu.
- Árangur og uppbygging VIRK hefur vakið athygli erlendis og töluverð eftirspurn er eftir fyrirlesurum frá VIRK á erlendar ráðstefnur og þing.

Markmið og tilgangur VIRK

- VIRK er sjálfseignarstofnun stofnuð árið 2008 af helstu samtökum stéttarfélaganna og atvinnurekenda á vinnumarkaði. Árið 2012 bættust lífeyrissjóðir í hópinn og 2015 var samið um aðkomu ríkisvaldsins að VIRK.
- Um VIRK gilda lög 60/2012 um atvinnutengda starfsendurhæfingu og starfsendurhæfingarsjóði. Samkvæmt þeim skal VIRK fjármagnað með hluta af launatengdum gjöldum sem greidd eru vegna launþega. Atvinnurekendur og lífeyrissjóðir greiða hvor um sig 0,1% af heildarlaunagreiðslum á vinnumarkaði til VIRK árin 2016 og 2017.
- Hlutverk VIRK er að efla starfsgetu einstaklinga í kjölfar veikinda eða slysa með árangursríkri starfsendurhæfingarpjónustu.
- Rétt á þjónustu VIRK eiga þeir einstaklingar sem ekki sinnt starfi sínu eða tekið þátt á vinnumarkaði vegna hindrana af völdum heilsubreysts og eru með beiðni eða vottorð frá lækni og hafa það að markmiði að verða virkur þátttakandi á vinnumarkaði eða að auka þátttöku sína á vinnumarkaði.
- Tilgangur þjónustu á vegum VIRK er að aðstoða fólk við að komast til vinnu. Um er að ræða markvissa ráðgjöf og þjónustu á sviði starfsendurhæfingar sem krefst fullrar þátttöku viðkomandi einstaklings.
- Markmið VIRK er að draga markvisst úr líkum á því að einstaklingar hverfi af vinnumarkaði vegna varanlegrar örorku.

Starfsemi VIRK

- VIRK vinnur að starfsendurhæfingu í samstarfi við stéttarfélög, atvinnurekendur, lífeyrissjóði, þjónustuaðila í starfsendurhæfingu og stofnanir velferðarkerfisins.
- VIRK hefur byggt upp þverfaglegan starfsendurhæfingarferil, persónulega ráðgjöf og þjónustu sem hefur það markmið að koma einstaklingum til vinnu og byggt upp samstarf við aðrar stofnanir innan velferðarkerfisins.
- Þjónusta VIRK er til staðar á öllum helstu þéttbýlisstöðum landsins, er einstaklingsmiðuð og einstaklingum að mestu kostnaðarlaus.
- Á vegum VIRK starfa 50 sérhæfðir ráðgjafar staðsettir hjá stéttarfélögum víða um land sem fylgja notendum þjónustunnar allan starfsendurhæfingarferilinn og hvetja þá áfram.
- VIRK á í miklu og góðu samstarfi við fagfólk um allt land, leggur áherslu á að nýta fagfólk á hverju svæði fyrir sig og þróa úrræði sem henta þeim fjölbreytta hópi sem nýta þjónustu VIRK.
- Tæplega 700 þjónustuaðilar eru í samstarfi við VIRK um starfsendurhæfingarúrræði og keypt var þjónusta af þeim fyrir ríflega milljarð króna árið 2016.
- Fagleg þróun starfsendurhæfingar VIRK hefur miðað að því, auk þess að auka gæði þjónustunnar við einstaklingana, að hún nýtist í þróun á nýju starfsgetumati hér á landi.
- Samstarf og samskipti við erlenda aðila gegna mikilvægu hlutverki í faglegu starfi og uppbyggingu VIRK sem hefur leitað í smíðju fremstu sérfræðinga í heiminum.
- VIRK vinnur að eflingu náms í starfsendurhæfingu í samstarfi við HÍ og HA. Háskólarnir tveir bjóða upp á framhaldsnám í starfsendurhæfingu frá og með haustinu 2016.
- VIRK veitir styrki tvisvar á ári til virkniúrræða, rannsókna- og þróunarverkefna tengdum starfsendurhæfingu.
- Gæðakerfi VIRK hefur verið formlega vottað samkvæmt alþjóðlega gæðastaðlinum ISO 9001 að lokinni úttekt BSI á Íslandi.
- VIRK er í hópi framúrskarandi fyrirtækja á Íslandi árið 2016 samkvæmt Creditinfo.